

¡LERTU GAITIAN NEGARREZ!

DOAGARAY AUNDIZKO MAISU ON FELIPE GORRITI-REN OROITZAN.

Mendi gañetan aize gogorra
nola erruz dan astintzen
zenbat agitz ta zutinagoak
anbat du geigo sufritzen;
orlatan bada eri-zikoitzak
griña gaiztoz du billatzen
gizon jakintsu mirariyena:
ez da beñere kupitzen.

Malko pisuak limurtzen zaizkit
on Felipe-z oroitzian,
ezin nezake tristura baizik
senti nere biotzian;
berdin gabeko izarra ziñan
luteki zabal guztian
eta zeruak berea zaitu
betiko aldi luzian.

Iñildu dira chori politak
amaitu beren *pipiyak*,
ez dira berriz oi berotuko
arbol tantayen kabiyak;
goi erasuak arretu ditu
iturri bizi garbiyak,
lore malatsak anpuluz daude
ichirik miñez orriyak.

Miñperaturik mundu guztiya
atsekabe aundi batez
biotza zauriz beterik dabill
maisú goienaren galdez;
eri sumiñak bere listorra
sarturik barren barrenez
bizi ederra kendu dio ta
¡lertu gaitian negarrez!

EMETERIO ARRESE.

Tolosan, 1896-an.